

ՀԱՇՎԵՏՎՈՒԹՅՈՒՆ

ԳՈՐԾՈՒՂՄԱՆ ԸՆԹԱՑՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

1. Անունը, ազգանուն՝ Արմեն Գևորգյան
2. Զբաղեցրած պաշտոնը՝ ՀՀ ֆինանսների նախարարի խորհրդական
3. Գործուղման վայրը և ժամկետները՝ Մոսկվա (Ռուսաստանի Դաշնություն) 2025 թվականի հուլիսի 23-ից 25-ը ներառյալ
4. Հրավիրող կողմը՝ ՌԴ ֆինանսների նախարարության գիտահետազոտական ֆինանսական ինստիտուտ

5. Գործուղման նպատակը՝

«Հայաստանի Հանրապետության ֆինանսների նախարարության և Ռուսաստանի Դաշնության ֆինանսների նախարարության միջև ՌԴ կողմից Հայաստանի Հանրապետության ֆինանսների նախարարությանը պետական ֆինանսների կառավարման ոլորտում գիտամեթոդական աջակցության և տեխնիկական օժանդակության տրամադրման մասին» համաձայնագրի (այսուհետ՝ Համաձայնագիր) շրջանակում հերթական՝ 2026-2028թթ. եռամյա ծրագրի շուրջ բանակցությունների անցկացում:

6. Քննարկված թեմաները՝

1. Ռուսաստանի Դաշնության ֆինանսների նախարարության ԳՀՖԻ-ի (НИФИ-Научно-исследовательский финансовый институт при Минфине России) և Հայաստանի Հանրապետության ֆինանսների նախարարության միջև համագործակցության առաջնահերթ ոլորտների ներկայացում
2. ԳՀՖԻ-ի հետ համագործակցության ծրագրի վերանայում և հետագա համագործակցության ուղիների պլանավորում
3. ՀՀ ՖՆ աշխատակազմի կարողությունների զարգացման եռամյա ծրագրի (2017, 2020 և 2023 թվականներ) արդյունքների վերանայում
4. ՀՀ ՖՆ աշխատակազմի կարողությունների զարգացման ծրագրի շարունակականության հարցի քննարկում

7. Հանդիպումները, ելույթները, բարձրացված կամ քննարկված հարցերը՝

Խորհրդակցությունների շրջանակներում քննարկվել են համագործակցության նոր հնարավորություններ՝ մատնանշելով, որ ՌԴ ԳՀՖԻ-ն արդեն 9 տարի շարունակ տրամադրում է մասնագիտական աջակցություն՝ սեմինարների, վերապատրաստումների և խորհրդատվությունների անցկացման միջոցով, ինչը նպաստում է ՀՀ ՖՆ աշխատակազմի կարողությունների զարգացմանը (առաջին եռամյա ծրագիրը մեկնարկել է 2017-ին, երկրորդը՝ 2020-ին, երրորդը՝ 2023-ին): Այս երկկողմ համագործակցությունը ոչ միայն ենթադրում է տեխնիկական աջակցության տրամադրում, այլև վստահության և գործընկերության խորացման հարթակ է, որը խթանում է պետական ֆինանսական կառավարման համակարգի արդիականացմանը: Հայ-ռուսական այս համապարփակ համագործակցությունը ներառում է մի քանի առաջնահերթ ուղղություններ՝

- Գիտահետազոտական և վերլուծական աշխատանքներ՝ ֆինանսական քաղաքականության, հարկային համակարգի, պետական բյուջեի կառավարման և տնտեսական զարգացման վերաբերյալ,

- Համատեղ ծրագրեր և նախագծեր՝ որոնք նպաստում են երկու երկրների ֆինանսական համակարգերի արդիականացմանը և բարեփոխմանը,
- Տվյալների և փորձի փոխանակում՝ ֆինանսական մոդելների, ռիսկերի գնահատման մեթոդների և ֆինանսական տեխնոլոգիաների կիրառման ոլորտներում:
- Հանրային ներդրումների արդյունավետ կառավարում,
- Միջազգային փորձի կիրառում՝ ռուսական փորձն օգտագործելով նորարարություններ ներդնել Հայաստանի ֆինանսական համակարգում,
- Կորպորատիվ մշակույթի խթանում:

Գործընկերների հետ հանդիպումների ընթացքում նաև նշվել է, որ ՀՀ ՖՆ-ն նախատեսում է իրականացնել մի շարք բարեփոխումներ՝ ուղղված աշխատակազմի կարողությունների և փորձառությունների կատարելագործմանը՝ պարբերաբար կազմակերպելով սեմինարներ, վերապատրաստումներ և խորհրդատվություններ:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

ՌԴ ֆինանսների նախարարությունը հավանության է արժանացրել հայկական կողմի նախաձեռնությունը ևս 3 տարի ֆինանսավորելու ծրագիրը, ինչպես նաև ԳՀՖԻ-ն ևս պատրաստակամություն է հայտնել աշխատել նոր եռամյա ծրագրի նախագծի ուղղությամբ՝ ընդգծելով հնարավորինս օգտակար ոլորտներ ՀՀ ՖՆ կարիքների ճիշտ հասցեագրման նպատակով:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատվությունները, ակնկալվող արդյունքները.

Այս խորհրդակցությունները հնարավորություն են տալիս ամրապնդելու ՀՀ ՖՆ գործընկերությունը ԳՀՖԻ-ի հետ՝ ապահովելով կողմերի նպատակների և գործողությունների ավելի սերտ համադրվածությունը: Խորհրդակցությունների արդյունքում և՛ ՌԴ ֆինանսների նախարարությունը և թե ԳՀՖԻ-ն դրական են արձագանքել ՀՀ ՖՆ աշտակազմի կարողություններ զարգացման ծրագիրը ևս 3 տարով ֆինանսավորելու վերաբերյալ նախաձեռնությանը, սակայն վերջնական որոշումը կկայացվի ՌԴ կառավարությունում: Խորհրդակցությունները նաև կնպաստեն երկկողմ վստահության խորացմանը և գործընկերության ամրապնդմանը, կապահովեն բաց և կառուցողական երկխոսություն՝ որտեղ կողմերը հնարավորություն կունենան ներկայացնելու իրենց առաջնահերթություններն և հետաքրքրությունները:

10. Գործուղվող՝

ՀՀ ֆինանսների նախարարի խորհրդական



Արմեն Գևորգյան

30.07.2025թ.